

## Kapas Eis me Penuwen Kapas Eis Faniten Ekkewe Tessin COVID-19 aa Expire

Kosapw atapwan ne peutano omw kewe teessin COVID-19 aa expire. Ikkei ekkoch anen omw kopwe sinei ika mei chiwen eoch omw kopwe aia ewe tessin COVID-19 mwirin ewe pwinin maram mei affat won ewe pwor pwe epwe expire.

### Ngang mei chiwen tongeni aia ewe tessin COVID-19 aa fen expire?

Ewer. Ewe Washington State Department of Health (DOH, ika ewe putai ah kan tumwunu nonnomwun me manawen aramas non ewe state Washington) ah wau [mwumwutan aian ekkewe tes aa fen expire](#) (non fosun Merika) ika pwe mei passini ekkewe ngang an epwe pwarata pwe mei eoch, ussun mei awewetiwan fan.

Sopwesopwenon, ekkoch ekkewe tessin COVID-19 mei angei kamarenon manamanan meren ewe U.S. Food and Drug Administration (FDA, ika ewe Nenien Tumwunun Mongo me Safei non Merika), minne aa ngeni ekkewe tes minafon pwinin maram mei sokkono seni met ka kuna won pworur kewe. Ka tongeni kutta [lissen tes mei kamareno manamanan meren FDA](#) (non fosun Merika me Spanish) omw kopwe kuna mnni ekkewe tes a wor ekkesiwinin pwinin maramen an epwe expire. Ika mwo eu tes aa wor ekkesiwinin pwinin maramen an epwe expire nge aa nuuseni, meren DOH, en mei chiwen tongeni aia mei passini ekkewe ngang an epwe pwarata pwe mei chiwen eoch.

Porouseochun: En mei tongeni aia eu tes aa fen expire ika pwe mei passini ekkewe ngang mei pwinin nom won ewe tes an epwe pwarata pwe mei chiwen eoch.

### Pwata upwe sinei pwe pwungun ewe tessin COVID-19 aa expire epwe chiwen pwung?

Omw ewe tessin COVID-19 mei fiti eureuren met kopwe fori an epwe tongeni pwenuweta pwungun angangen ewe tes, mei pwan iteni "quality control" ika "ekkei ngang an epwe pwarata pwe mei eoch." Napengeni ka tongeni kuna ekkei angangen an epwe pwarata pwe mei eoch ewe tes me non ekkewe taropwen awewen fofforun ika angangen ewe tes me non ewe kinikinin angei pwungun ewe tes. Ewe angangen an epwe pwarata pwe mei eoch ren napengeni ekkewe tes sikan angei non imwach aa chek fis ach sipwe katon eoch pwe ewe lain unukun ewe "C" mei mak won ewe minen tes epwe pwa nupwen an ewe chenun a supwutiwan won. Ika ewe angangen an epwe pwaratapwe mei eoch ese fisieoch, ka tongeni poutano ewe pworun tes.

### Ifa usun a eu tes epwe kawor ngeni kamarenon pwinin manamanan?

Ekkewe chon fori ewe tessin COVID-19 ra kaio ngeni usun ar repwe tongeni sinei taman ach sipwe tongeni aia eu tes. Ewe FDA ekan tumwunu me kakkaton porousan an epwe tongeni mwuutata kamarenon ekkewe pwinin maramen expire. Kamarenon manamanan ekkewe tessin COVID-19 mei fiffis pokiten mei chek kakkatonong sopwosopwun porousan ukukkun taman ika manamanan eu tes.

Ach anean pwe ekkei tichikin porous mei enukunuk ngonuk fansoun omw aia ekkewe tes usun nge ra expire anongonong won ewe pwinin maran mei mak won ewe pwor. lei ka sinei met kopwe fori omw kopwe sinei ika omw ewe tessin COVID-19 mei eoch omw kopwe chiwen aia: kopwe chek fiti eureren fofforun ewe tes faniten angangen an epwe pwarata pwe mei eoch. Ika ewe tes mei passini ekkewe angangen an epwe pwarata pwe mei eoch, iwe mei chek eoch omw kopwe aia.

Kinisou chapwur ren meinisin minne en mei fori faniten tumwunun me nonnomweochun neinach kewe!

Ika ke mochen kopwe nounou ei taropwe non pwan ew sokkun nikinikin, kopwe kokori 1-800-525-0127. Ren chon emmweni ewe sukul epwe föri ewe repwe kokori 711 (Washington Relay) ika fen mak ngenir non email ngeni ewe [civil.rights@doh.wa.gov](mailto:civil.rights@doh.wa.gov).